

Cartulaire de l'Abbaye de Redon en Bretagne: [832–1124], Nr. 338

Ad utiitatem tam presentium quam futurorum, solliciti fuimus describere, ut memoriter possit teneri, qualiter Gualterius Lohoiacensis, Rotaldi Bastardi filius, cum consensu et voluntate suorum fratrum, Pagani videlicet necnon Hamonis quem Burrigan cognominant, pro salute suae animae suorumque parentum Sancto Salvatori suisque monachis in perpetuum, sine alicuius viventis calumpnia, dedit, sicuti ipse possidebat, partem suam de decima Sancti Maioci, cum ipsa capellula et cum omni cimiterio quod hereditario iure sibi competeat, necnon tantum terrae iusta ipsam prefatam aecclesiam quod uni carruce habunde sufficeret, et partem suam de aqua ad molendinum construendum, quae decurrit iusta sepedictam aecclesiam, et etiam totam decimam unius villae que est sita in parrochia Sancti Siginnini. Preterea, concessit ut supradicti monachi habeant in perpetuum sub sua dominatione homines quos de extraneis partibus adduxerint, et in predicto cimiterio secum habitare fecerint, ita quod nulli mortalium in aliquo nec in parvo nec in magno sint obnoxii nisi Sancto Salvatori suisque monachis. Si vero de terra ipsius prefati militis aliquis in ipso cimiterio habuerit, cum monachis manere voluerit, de domo quam in ipso cimiterio habuerit, censum et consuetudines integre monachis reddat. De aliis vero rebus forensibus quas ab ipso milite tenuerit, ipsi militi omnino respondeat; et si aliquando, Deo inspirante, aliquis istorum supradictorum fratrum monachicam vitam agredi voluerit, non ei. denegetur ingressus, sed libentissime cum hoc quod habuerit suscipiatur, ipse vero caveat ne aliquid de suo Deo subtrahat.